

2. Ratković Saša i dr. (9 osoba) - akcija "Odin"

Optužnica podignuta 18. januara 2023.

Uvod

Optužnica je podignuta protiv osam osoba zbog organiziranog kriminala, neovlaštenog međunarodnog prometa drogama, pranja novca i korupcije. Ova organizirana kriminalna grupa djelovala je u BiH, Srbiji, nekoliko zemalja EU i dijelovima Latinske Amerike.

Ime(na) optuženog/optuženih

1. Ratković Saša, zvani "Sale", rođen 1991. godine u Trebinju, državljanin BiH i Srbije
2. Supić Dragan, rođen 1974. godine u Derventi, državljanin BiH i Srbije
3. Vidaković Tomislav, zvani "Tomo", rođen 1990. godine u Dubrovniku, državljanin BiH
4. Rakić Vladica, rođen 1981. godine u Beogradu, državljanin Srbije
5. Stjepić Vasilije, zvani "Profa", rođen 1967. godine u Brčkom, državljanin BiH i Švedske
6. Blagojević Mitar, zvani "General", rođen 1986. godine u Foči, državljanin BiH
7. Čalija Miroslav, rođen 1975 u Mostaru, državljanin BiH, radi kao policijski službenik u MUP HNK
8. Šiniković Dražen, rođen 1980. godine u Konjicu, državljanin BiH
9. Matković Milan, rođen 1985. godine u Mostaru, državljanin BiH i Srbije (dana 13. aprila 2023. Sud BiH donio je rješenje kojim se postupak protiv optuženog Milana Matkovića spaja s postupcima koji se vode protiv optuženog Saše Ratkovića i drugih)

Optužnica

Optuženima se na teret stavlja da su, djelujući kao organizirana kriminalna grupa i članovi grupe koja je djelovala na teritoriji BiH, Republike Srbije, nekoliko zemalja Evropske unije, uključujući Republiku Austriju, Republiku Hrvatsku, Kraljevinu Španiju i neke od zemalja Južne Amerike, korištenjem šifriranih aplikacija za komunikaciju, počinili krivična djela neovlaštenog međunarodnog prometa velikih količina opojnih droga kokaina i marihuane, stjecanje velike protupravne imovinske koristi, pranje novca, krivotvorenja isprava i druga krivična djela. Optuženi su vršili korupcijska krivična djela radi krivotvorenja isprava u svrhu nesmetanog međunarodnog kretanja članova organizirane kriminalne grupe, pri čemu su zloupotrijebljeni policijski kapaciteti, a optuženog policijskog službenika se tereti za pomaganje optuženima putem davanja informacija o policijskim aktivnostima, kao i za krivična djela pranja novca i kupovine nekretnina.

Krivična djela za koja su optuženi

Neovlašteni promet opojnim drogama (Član 195 Krivičnog zakona BiH), Pranje novca (Član 209 Krivičnog zakona BiH), Krivotvorenje isprave (Član 373 Krivičnog zakona BiH), Krivotvorenje službene isprave (Član 226 Krivičnog zakona BiH), Pripremanje krivičnog djela (Član 339 Krivičnog zakona BiH), u vezi s krivičnim djelom Ubistva (Član 166, paragraf 2, Krivičnog zakona BiH)

„Ovom objavom ne preudicira se ishod krivionog postupka i ne narušava princip presumpcije nevinosti. Svako se smatra nevinim dok se pravosnažnom presudom ne utvrdi njegova krivica.“

INFORMACIJA - PREDMETI SKY I ANOM S POTVRĐENIM OPTUŽNICAMA

Istraga

Tužilaštvo će potkrijepiti optužbe uz pomoć 58 svjedoka, vještaka, te podnošenjem preko 450 materijalnih dokaza, uključujući dokaze dobivene putem međunarodne pravne pomoći od sudskih ustanova SAD-a i FBI-a.

Sudski postupak

Optužnica potvrđena: 20. januara 2023.

Izjašnjavanje o krivici: Dana 16. februara 2023. Ratković i drugi su se izjasnili da nisu krivi po svim tačkama optužnice

Početak glavnog pretresa: 17. marta 2023.

Status predmeta: Tužilaštvo izvodi dokaze

„Ovom objavom ne preudicira se ishod krivionog postupka i ne narušava princip presumpcije nevinosti. Svako se smatra nevinim dok se pravosnažnom presudom ne utvrdi njegova krivica.“